



TILLAGA

Viðtakandi: Umhverfis- og skipulagsráð

Sendandi: Skrifstofa samgangna og borgarhönnunar

Tillaga um varanlegan regnboga á Skólavörðustíg

Lagt er til að umhverfis- og skipulagsráð samþykki eftirfarandi:

- Að varanlegur regnbogi verði áfram á Skólavörðustíg. Hann verði lagður í götuna með slitsterku efni. Það verði endurtekið ef ekki er komið að endurgerð götunnar þegar komið er að því að endurnýja regnbogann.
- Að forhönnun Skólavörðustígs verði aðlöguð að regnboganum og hann tekinn inn í verkhönnun götunnar sem varanlegur hluti götummyndarinnar.
- Að áhersla á að ráðgjafi verði við hinsegin samfélagið þegar unnið verður að verkhönnun Skólavörðustígs svo tryggt verði að tákmynd réttindabaráttu þess, regnboginn, eigi áfram veglegan sess á þessum stað.

Greinargerð:

Regnboginn á Skólavörðustíg hefur frá því hann var málaður fyrst á götuna árið 2015 orðið að einu sterkasta kennileiti miðborgarinnar. Á borgarstjórnarfundum í júní 2019 tekin ákvörðun um varanlegan regnboga við Skólavörðustíg með fyrirvara um mögulega breytingu á útfærslu við endurhönnun götunnar. Árið 2021 var kynnt forhönnun útfærslu Skólavörðustígs og í kjölfarið skipaður starfshópur til að vinna framtíðarsýn regnbogans, en nánari lýsing á verkefnum starfshópsins smá sjá í minnisblaði starfshóps um varanlegan regnboga, dags. 31. maí 2023.

Tillagan sem hér er lögð fram er samhljóða tillögu starfshópsins.

Virðingarfyllt,
Edda Ívarsdóttir
Deildarstjóri borgarhönnunar

Hjálagat: Minnisblað starfshóps um varanlegan Regnboga, dags. 31. maí 2023.



MINNISBLAÐ

Minnisblað starfshóps um varanlegan regnboga

Bakgrunnur

Regnboginn á Skólavörðustíg hefur frá því að hann var málaður fyrst á götuna 2015 orðið að einu sterkasta kennileiti miðborgarinnar. Hann er tákn hinsegin samfélagsins og til merkis um samstöðu með baráttu hinsegin fólks í borginni.

Ákvörðun um varanlegan regnboga við Skólavörðustíg var tekin í borgarstjórn í júní 2019 með fyrirvara um mögulega breytingu á útfærslu við endurhönnun götunnar.

Regnboginn hefur verið málaður árlega á götuna frá árinu 2019 en sú útfærsla er ekki nægilega slitsterk til að geta talist varanleg útfærsla. Árið 2021 var kynnt forhönnun útfærslu Skólavörðustígs þar sem er regnboginn var túlkaður í litskrúðugum gróðri en opnað var fyrir möguleikann á annarri túlkun regnbogans við götuna

Í kjölfar forhönnunarinnar var skipaður starfshópur, 27. apríl 2022.

Í hópnum sátu:

Edda Ívarsdóttir f.h. skrifstofu samgangna og borgarhönnunar, formaður
Gunnlaugur Bragi Björnsson f.h. Hinsegin daga
Ragnhildur Sverrisdóttir f.h. Samtakanna 78
Rebekka Guðmundsdóttir f.h. skrifstofu samgangna og borgarhönnunar
Svandís Anna Sigurðardóttir f.h. mannréttinda- og lýðræðisskrifstofu

Samkvæmt erindisbréfi voru helstu verkefni eða viðfangsefni hópsins eftirfarandi:

- Að skoða valkosti varðandi varanlega framtíðarstaðsetningu regnbogans, þar með talið óbreytta staðsetningu hans á neðri hluta Skólavörðustígs.
- Að leggja mat á ávinning þess að þess að Umhverfis- og skipulagssviði verði annars vegar falið að vinna móta tillögu að útfærslu og staðsetningu út frá þeim forsendum og markmiðum hópsins og hins vegar að efna til samkeppni.
- Að gera tillögur til skipulags- og samgönguráðs um næstu skref.

Niðurstaða starfshóps

Starfshópurinn lagði því af stað með tvær hugmyndir. Önnur að efna til samkeppni um varanlegan regnboga í Reykjavík með staðsetningu á áberandi stað innan borgarinnar en hin að halda regnboganum í götu á Skólavörðustíg en finna annað slitsterkara og endingabetra efni en málningu.

Hópurinn fór vel yfir kosti og galla þessara tveggja kosta. Niðurstaða hópsins er að núverandi staðsetning sé einstök. Regnboginn á Skólavörðustíg hefur skapað sér sess sem tákn um mannréttindabaráttu hinsegin fólks í Reykjavík og stuðning Reykjavíkurborgar við þá baráttu í



Samræmi við mannréttindastefnu borgarinnar. Hann er eitt mest myndaða götuverk borgarinnar og óvíst er hvort hann næði jafnstærkum hughrifum væri hann staðsettur á öðrum stað innan borgarmarkanna. Með endurhönnun á göngugötum mun skapast rólegra yfirbragð á Laugavegi en sú umbreyting mun hafa það í för með sér að regnboginn verður enn sterkara tákni um virðingu og jafnrétti þar sem hann verður ekki í keppni við aðra götulist á svæðinu. Staðsetningin er einnig einstök þar sem Skólavörðustígur liggur beint upp að Hallgrímskirkju og myndar litríkan og áhrifamikinn sjónás upp stíginn. Regnboginn, á núverandi stað, hefur ómetanlegt virði og aðdráttarafl fyrir heimafolk jafnt sem ferðamenn sem á svæðið koma.

Starfshópurinn leggur því til að að:

- Varanlegur regnbogi verði áfram á Skólavörðustíg. Hann verði lagður í götuna með slitsterku efni í sumar. Það efni sem hópurinn hefur skoðað endist í allt að átta ár. Það verði endurtekið ef ekki sé komið að endurgerð götunnar þegar komið er að því að endurnýja regnbogann.
- Forhönnun Skólavörðustígar verði aðlöguð að regnboganum og hann tekinn inn í verkhönnun götunnar sem varanlegur hluti götumyndarinnar.
- Starfshópurinn leggur áherslu á að ráðgast verði við hinsegin samfélagið þegar unnið verður að verkhönnun Skólavörðustígar svo tryggt verði að tákni mynd réttindabaráttu þess, regnboginn, eigi áfram veglegan sess á þessum stað.

Áætlaður kostnaður við að leggja regnbogann með slitsterku efni á Skólavörðustíg er um 3 milljónir kr.

Virðingarfyllt,
Edda Ívarsdóttir
Samgöngur og borgarhönnun
deildarstjóri borgarhönnunar